



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Ivlivm Avgvstvm & Septembrem

Lippeloo, Zacharias

Coloniae Agrippinæ, 1603

Vita S. *Eleazari, Comitis Oppidi nomine Ariani qui cu[m] sancta Coniuge Dalphina vixit continentißimè, Virgoq[ue] permansit: professus illud vitæ institutum, quod vocant de tertia Regula S. ...

urn:nbn:de:hbz:466:1-42728

celebris ijs exhibetur cultus, vt multi ea propter illos Romæ martyrio coronatos esse crediderint.

VITA S. *ELEAZARI, COMITIS OP-

pidi nomine Ariani, qui cū sancta Coniuge Dalphina vixit continentissime, Virgoq; permansit: professus illud vita institutum, quod vocant de tertia Regula S. Francisci. Excessit ex humanis anno Domini 1323.

* al. Elzea. vj.

Vide C. Bar. rom. in Notat. ad martyr. Rom.

ELEAZARVS Comes Ariani, è Narbonensi prouincia oriūds, patrem habuit Hermongaum à Sabrano, virum insignē & potentem; matrem verò Laudunam Albanā vel Albæ: quæ tum ob sanguinis claritatem, tū ob vitæ integritatē accepta ab Eleazaro & Cæcilia mariti sui parētibus, Bona Comitissa vocabatur. Itaque pia matrona & mundo planè mortua pulchrum enixa infantem, fertur eum eadem hora cum feruenti deuotione & gratiarum actione Deo obtulisse dicens: Accipe eum tibi seruum Domine, tuæq; benedictionis gratiam ei largire. Quòd si eum nosti diuinæ tuæ voluntati fore rebellem, vbi sacro baptis- mate erit candidatus, illum sinè mora è medio tollas. Satius enim est, eum innocētem & nullis auctum meritis tecum viuere, & mundo emori, quàm in hac mortali vita tuā offendere maiestatem. Vt autem Deus ostenderet se hoc sacrificiū in odorem accepisse suauitatis, tantam pietatem infantis illius animo in ipsis incunabulis instillauit, vt necdum triennij ætate completa, mirabili erga pauperes commiseratione afficeretur. Nam cum baiularum brachijs

27. Septē. Patria & parētes eim.

Mater eum recens natū Deo offert. Pia precatio matris eim.

Magna infantis commiseratio erga pauperes.

chijs portaretur, in castris Aufoisij porta sæpè pauperes humanissimè intuens, nullo pacto progredi volebat, immò verò etiam sinè intermissione acerbè plorabat, donec præstita elemosyna eos refectos videret.

** al. VVilhelmi. Educatur sub paruo Abbate Massiliensi. Zelus fidei.*

Postquàm autem ætatis quintum excessit annum, quidquid ex ludis puerilibus, vel aliundè acquirere potuit, in pauperes erogabat: infantelque & pueros, quibuscù sua interdum captabat solatia, præcipuè verò inopes, ad prandium suum inuitabat. Degebat sub cura & moderatione Domini * Guilielmi de Sabrano patrui sui, Abbatis Massiliensis. Ibi & ætate & sapientia mirificè adèd proficiebat, vt in tenera illa ætate cuidam religioso diceret, se magno teneri desiderio ad infidelium regionem proficiscendi, vt illic in confessione Christi per martyrium è vita excederet.

Despondetur ei quedam nobilis puella.

Actum est autem diuina prouidentia, vt decennis, mandato Sereniss. principis Caroli secundi Hierusalem & Siciliae Regis, virginem Dalphinam annorum duodecim in vrbe Massiliensi sponsam acciperet: & post 3. annos in Castro Poderij Michaelis, ferijs S. Agathæ coniugium illud ritu solenni celebraretur. Ea solennitate peracta, quarto demum die virgo Dalphina cum multa celebritate ad sponsum suum in castrum Aufoisij adducta est. Ibi tum virgo, diuino amore egregiè accensa, pectoris sui arcana aperuit, seseque ad extremum vitæ spiritum virginittatis votum cõseruare decreuisse, si per sponsum liceret, dixit. Eleazarus quanquam diuini consilij adhuc ignarus, tamè, vt erat comis & placidus, libenter ista dicentè spon-

Pudicitia sponse eius.

sponsam virginem sustinuit : totaque illa nocte ab omni cupiditate animum egregie repressit.

Attigerat iam annū ætatis suæ quintum decimum; cum in loco, quem de Saltu vocant, ipsi ferijs Assumptionis Deiparæ cælesti pane refectus, admirabilē intra præcordia sensit diuini amoris flammam: ad eò vt tanquam febre correptus à suis in cubiculum duceretur, labantem præ nimio calore animum collecturus. Ibi constitutus, tota mente solitudinem cogitabat, vt mundo planè mortuus soli Deo deinceps viuere posset. Sed interna quadā voce admonitus, ne statum desereret, illis cogitationibus valere iussis, totū sese ad mentis corporisque integritatem tuendam collegit. Neque tamen, prudenter sanè, votum nūcupare, vel voluntatis libertatē protinus cōstringere voluit: sed sola Christi misericordia confusus constanter in proposito perrexit. Vnū autem hoc summa in eo admiratione dignum est, quod cōmuni cum sponsa thoro vtens, nullos nō dico motus illicitos, sed nec carnis omnino stimulum sentiret: prorsus vt quo castæ virgini propinquior erat, tanto minus pudicitæ metueret. Erat ei in more positum prolixis antè somnum precibus incumbere; faciem lachrymis rigare; diuinam opem attentius implorare; cælestium rerum meditatione animum pascere; mentē & cogitatione cæli spatia peragrarē; spōsam eodem amore accendere: idque ea cum suauitate ac fructu, vt oppressis sæpè sensibus, totus in diuinæ benignitatis consideratione exultaret.

In solita cælestis gratiæ visitatione efficitur.

Carnis tentationes in corpore eius prorsus extinctæ.

Migrat ad aliud castrū.

At verò ubi ad annū ætatis peruenit vigesimum, nec animus eius in castro Aufoisij optata posset tranquillitate potiri, propter importunam aui eiusque familiæ curam, qua eum splendidis huius mūdi titulis ornatum cupiebant, multa precum instantia in castrum Podij Michaelis, quod erat virginis Dalphinæ ex paterna hæreditate, migrandi copiam obtinuit.

Praclare sanè leges, familia eius ab eo præceptæ.

Vbi sane nouus paterfamilias, nouo quodam modo familiæ suæ præsidens, hæc insignes leges suis præscripsit: Primo: Vt diebus singulis pia mente integrum Missæ officium audirent. Secundo: Vt viuerent castè & purè: qui nollent domo cederēt. Tertio: vt qualibet hebdomada animorū sordibus per cōfessionem elutis, singulis mensibus cœlesti pane sese reficerent. Quarto: Vt nobiles virgines & matronæ à primo diluculo ad vsque prandium precibus & diuinarum rerum commentationi incumbere: à prandio operibus manuarijs sedulo vacarent. Quinto: vt nemo, non dico Diuinam maiestatem, sacrosanctam virginem, vel aliquem Sanctorum blasphemare, falso, vitiosè aut leuiter iurare: sed ne inhonestum quidem verbum proferre præsumeret. Cuius quidem constitutionis violatores hac ratione puniri voluit; vt vel toto prandio, solo pane & aqua contenti coram alijs humi accumberent; vel tota die cubiculo inclusi reatum suū dignè expiarent. Sexto: vt nulli fas sit ludere tesseris, aut alio vti lusu illicito, turpi ac inhonesto: Si quis contra fecisset; grauis illi pena manebat. Septimo: vt omnes è sua familia, cōmuni paci & charitati assiduo studerent: seditio-

Pena in blasphemos & periuros.

ditiosos pro ratione culpę puniens. Octauo: vt
 quotidie à prædio vel alia hora vespertina (nisi
 necessitas aliud requirat) fiat ab vno illorum i-
 pso præfente, aliqua collatio de verbo Domi-
 ni, pro animarũ salute. Quis verò hãc Comitiss *Quanta vita*
 aulã, monasteriũ dicere dubitaret; in qua, tam *puritas in-*
 excellens in omni genere virtus vigeat, cæle- *ius aula.*
 stisquę disciplina aded clarè relucebat?

Ipse Comes reliquos omnes exemplo ante-
 ribat, pietateq; sua & morum suauitate omniũ
 animos ad æmulationem virtutis prouocabat.
 Preces horarias pro Romanæ Ecclesiæ ritu & *Vita eius*
 consuetudine tam piè & attentè persoluebat *austeritas*
 quotidie, vt audientes nõ mediocriter ad pie-
 tatem incitarentur. Ieiuniorum vigiliarumq;
 mirè patiens, aspero insuper cilicio sub vesti-
 bus pretiosis carnẽ edomabat. Sæpè catenulis
 ferreis rebelles animi motus infringebat, &
 ad quẽlibet versum Psalmi quinquagesimi tri-
 nos ictus dorso fortiter infligebat. Octauo ve-
 rò quolibet die Quadragesimæ & aduentũs, &
 permultis Sanctorum ferijs, præsertim Virgi-
 num, cælesti epulo se muniebat.

Cæterum inter alias virtutes præcipua erga *Eximia eius*
 pauperes & leprosos beneuolentia, & benignè *in miseros*
 faciendi studium summa liberalitate con- *benignitas,*
 iunctũ, in hoc viro relucebat. Quotidiè siqui- *& humani-*
 dẽ habebat duodecim pauperes &, leprosos; *tas.*
 quorum pedes ipse lauabat quotidie, eorum-
 que oris peramanter oscula figebat; ac pro-
 streto cibo potuque relictis largas eleemo-
 synas præstabat. Die quodam venatum in suo
 comitatu abiturus, omnes antecedere ius-
 sit, ipse vero, vno apud se milite cum tonfore

retento, ad quoddam leproforum diuertit domi-
 cilium, ubi sex horrida percussos lepra re-
 perit. Videbantur eorum labia exesa planè at-
 que absumpta: prorsus vt sine horrore adspi-
 ci non possent. Quos sanctus iuuenis vt vidit,
 salutatione humanissimè impartita, salutaribus
 monitis ad diuini numinis timorem cul-
 tumque assiduam hortatus est. Indè singulis
 peramanter oscularis, eccè repentè sanitate
 donati, totam domum odore suauissimo reple-
 tam sentiunt. Mirantur illi, stupent: fixisque o-
 culis Eleazarum intuentes, angelumne an ho-
 minem esse dubitant. Ille verò cum præstita
 in super eleemosyna recederet, igneus quidam
 & luculentus radius ab eius capite, cunctis
 cernentibus, emerfit: perdurans quousque il-
 le ad suam, quæ procul satis aberat familiam
 peruenisset.

*Sex leprosi
 eius osculo
 sanantur.*

*Diuinitus ei
 frumentum
 restituitur.* Porro cum magna & penè incredibili esset
 erga pauperes cõmiseratione, bis extremæ fa-
 mis tempore horreum suum ijs exinanivit, quod
 bis similiter diuinitus redudare inuentum est.

*Sanat mori-
 bandam.*

Apud Arclatem puellam septennem, Constanciam
 nomine, cum ipsa morte colluctantè, manus
 suæ impositione matri viuam exhibuit. Sed
 hæc quanquam eximia, parua tamè sunt, si cum
 solidis eius virtutibus, è quibus sanctitatis opi-
 nio certo constat, conferantur. Anno gratis sup-
 tertio & vicesimo, patre ipsi ex humanis sub-
 lato, Baro factus Ausoisij, Comitatus pariter A-
 riani oppidi ad eum iusto titulo est deuolutus.
 Cùm igitur eius Comitatus ergò tunc primum Ita-
 liam peteret, sensit mox subditorum sibi ani-
 mos vehementer rebelles, adeò vt oppidani
 toto

*Fit Comes
 Ariani op-
 pidi & Baro
 Ausoisij.*

toto triennio multas illi iniurias, plurima dāna & cōtumelias minimè ferēdas inferrēt. Ille verò, quanquam multis modis ab eis laceffitus & diuexatus, tantùm abest, vt vnquā vindictæ cupiditate exarserit, vt etiam Tarentinū principem, vltionem expetentem, prohibuerit, ne vel leui iustitia in eorum scelūs animaduerteret. Ita enim animo constitutus erat, vt eos potissimum charos haberet, qui varijs eū aduersitatibus ad pietatem & virtutis studium exercebant. Qua sanè patiētia id obtinuit, vt postea ab omnibus illis honoraretur vt Dominus, & amaretur vt pater.

Porro Comitatum & Barionatum suum magno ere alieno obstrictū & pressum eximia dexteritate alleuiavit: cōstituens homines, qui certos quosdā prouentus ad se reciperent, atq; indè paulatim omne æs alienum dissoluerent.

Cū à Roberto Rege, cui in primis charus erat, fratre S. Ludouici Episcopi, Neapoli equestri esset onnatus dignitate, alijs circa mūdana occupatis, ipse tota mente cælestibus inhærēs, non multò post virginitatis votum cum Dalphina sua sponsa emisit, perpetuoq; seruauit: amplexantes tertium ordinem siuè regulam S. Francisci. Præstitere hoc in castro Ausoisij in Narbonensi Gallia seu Prouincia; in qua biennio deindè exacto, illè Neapolim redijt: vbi à Roberto Rege Caroli eiusdem Regis primogeniti & Calabria Ducis præceptor constitutus, adolescentem illum præclaris moribus & pietate imbuit. Erat per id tempus penes illum Ducē regni totius administratio: Patre eius Roberto Rege in Prouincia agente.

Xxx 3 In cu-

Summa eius intolerantia iniurijs patientia

Industria eius in ere alieno dissoluen- do.

Factus eques auratus, emitit votū Virginitatis cum sua sponsa.

Datus Caroli Ducis Calabriae filio pedagogus.

In cuius aula cùm Eleazarus pauperum causas negligi intelligeret, à Duce eorum se patronū institui postulauit. Quod susceptum pietatis munus tam egregiè est executus, vt cum aliquando lotis iam manibus ad mensam accedēti pauper domum intrans importunè se ingessisset, sciscitans de ipsius supplici libello quid actum esset, ille statim benignè respōdens, Sustine, inquit, parumper, & ego, priusquam cibum sumam, rem tuam expediam. Surgensq; à mensa, recta ad curiam abiit, reuertensque pauperi per omnia satisfecit.

*Agit prom-
ptissime ad-
uocatū Pau-
perum.*

*Moritur Pa-
risijs vir
sanctus.*

*Claves mira-
culis post o-
bitum.*

Tandem autem Rex Robertus, filio suo Carolo nuptias factururus, Comitem Eleazarum in Gallias destinauit, vt inde sponsam regio splēdore & maiestate dignam adduceret. Quo in negotio vir sanctus dum versatur, eccē Parisijs graui correptus morbo, tandem ecclesiasticis munitus sacramētis ex huius mortalitatis ergastulo ad immortalitatis gloriā foelicitē migravit, anno ætatis suæ 28. Cuius corpus in habitu Franciscano apud Minoritas Parisienses primò sepultum, eodem anno Aptam, æquè in ædem Franciscanorum (vbi ipse viuens iusserat) translatum est: vbi multis magnisque coruscans miraculis, indies quantæ sanctitatis sit omnibus clarius innotescit.